



# Мансууруулах бодисын гэмт хэрэг, эцэг эхийн анхаарал шаардлагатай



교육부


Солонгосын Боловсролын яам



한국교육환경보호원

Боловсролын орчныг хамгаалах төв

# Өсвөр насныхан мансууруулах бодисын гэмт хэрэгт холбогдсон жишээ бодитоор байдаг уу?



Сүүлийн 5 жилийн турш өсвөр насныханы мансууруулах бодистой холбоотой гэмт хэргийн хандлага (19-өөс доош нас)


- ✓ Сүүлийн үед мансууруулах бодисын гэмт хэрэгт холбогдсон өсвөр насныхны тоо эрс нэмэгдэж байна.
- ✓ Мөн эхлээд хохирогч байгаад эцэст нь хэрэгтэн болсон жишээ гарч байна.

※Эх сурвалж: Мансууруулах бодисын гэмт хэргийн цагаан ном (Прокурорын ерөнхий газар, 2023)



## Жишээ 1.

# Сэтгэцэд нөлөөт эм гэдгийг нь мэдэлгүй **интернэтээр** худалдаж авсны дараа хэрэглэсэн өсвөр насныхан



- ✓ Эмчилгээний зорилгоор сэтгэцэд нөлөөт эмийг **өөрийн биеэр заавал эмчид үзүүлсний дараа жор бичүүлж авах ёстой ба тогтоосон хэмжээг тодорхой хугацааны дотор хэрэглэх ёстой.**
- ✓ Гэвч эмчилгээний зорилготой сэтгэцэд нөлөөт эм гэдгийг мэдэлгүй, **интернэтэд тавигдсан зарна гэсэн зарлалыг уншаад худалдаж авч хэрэглэсэн** өсвөр насныхан байна.
- ✓ Энэ мэт сэтгэцэд нөлөөт эмийн хууль бус худалдаа гэх сэжиг бүхий хэрэгт холбогдогчийн дийлэнх нь 10-аад насны өсвөр үеийнхэн гэдэг нь тодорхой болсон.

※Эх сурвалж : Олон нийтийн сүлжээ(SNS)-ээр мансууруулах төрлийн 'Эрвээхий эм(Фентермин төрлийн эм)' -ийг хууль бусаар борлуулсан 102 хүн .... бүлэг хэргийг мөрдөлтөд шилжүүлэв. Медикал төдэй (2023. 07. 29.)



## Жишээ 2.

Сониуч зандаа хөтлөгдөн мансууруулах бодис хэрэглэж, **донтсон** төдийгүй зарж **борлуулагч** болсон өсвөр насныхан



- ✓ Борлуулах сүлжээний урхинд автаж мансууруулах бодис хэрэглэж, донтсон өсвөр насныхан эцэст нь мансууруулах бодис зарж борлуулдаг гэмт хэрэгтэн болсон.
- ✓ Өөрийн мэдэлгүй гэмт хэрэгт хөл тавьсан өсвөр насныхан хожим гэмшин харуусавч нэгэнт эргүүлэхийн аргагүй болжээ.
- ✓ Тэднийг онц ноцтой, хүндүүлэн ял шийтгэх тухай хуулинд заасны дагуу мансууруулах бодисын хэрэгт баривчилж, 5-7 жилийн хорих ялаар шийтгэсэн.

※Эх сурвалж: 'Сониуч зангаар эхлэж.... өөрөө худалдаж авсан төдийгүй зарж борлуулжээ. Ахлах сургуулийн сурагчидаар хүрээгээ тэлж буй мансууруулах бодис', Сөүл сонин (2023. 05. 06.)



### Жишээ 3.

## Хүчтэй мансууруулах бодисын гаралтай өвчин намдаах эмийг **хууль бус жороор** авч хэрэглэсэн өсвөр насныхан



- ✓ Тодорхой өвчнүүд (хавдрын эцсийн шат гэх мэт)-ийг эмчлэхийн тулд **насанд хүрсэн хүн эмчид үзүүлсний дараа жороор авч болох сэтгэцэд нөлөөт эмийг хууль бусаар жор бичүүлж хэрэглэсэн өсвөр насныхан ч байна.**
- ✓ Явандаа донтож мансуурсан өсвөр насныхан цэцэрлэгт хүрээлэн, үйлчилгээний газрын жорлон, бүр цаашлаад сургууль дотор мансууруулах бодисыг тарьж хэрэглэсэн байна.
- ✓ Хэрэгт холбогдсон өсвөр насныхан **бүгд** «Мансууруулах бодисыг зохицуулах тухай хууль» зөрчсөн гэдэг ял шийтгүүлж, нэг хэсэг нь **донтолтын хурц шинжийн улмаас эмчилгээ** хийлгэж байна.



# Мансууруулах бодис биш ч бай бүх төрлийн эм бэлдмэлийг **интернэтээр** **худалдаалах нь хууль бус юм**



- ✓ Ялангуяа борлуулагч нь мансууруулах бодис гэдгийг нууж зарж байгаа тохиолдол их байгаа учир **интернэтээр дамжуулж эм бэлдмэл худалдаж авахыг оролдож хэрхэвч болохгүй!**
- ✓ Худалдаж авсны дараа бодитоор хэрэглээгүй байсан ч гэсэн мансууруулах бодистой холбоотой гэмт хэрэгт шийтгэл хүлээнэ.

# Мансууруулах бодис! Сониуч зан хүртэл аюултай юм

- ✓ Хоромхон зуурын сониуч зангаас болж эхлүүлсэн мансууруулах бодисын хэрэглээ нь илүү ноцтой гэмт хэрэг болж даамжирч болно.
- ✓ Мансууруулах бодис нь зөвхөн хадгалж байсан гэдгээрээ ч шийтгэл хүлээдэг бөгөөд, насанд хүрээгүй байсан ч биеэр эдлэх ял ногдуулж болно.
- ✓ Хүүхэд тань мансууруулах бодисын гэмт хэрэгт холбогдохгүй байхын тулд гэр бүлийн зүгээс ч анхаарал тавихыг хүсье.



## Зөвөлгөө болон сургалтын байгууллага



### ✓ Солонгосын мансууруулах бодистой тэмцэх алба: 1899-0893

- Улс даяар 13 орон нутагт хот, аймгийн салбаруудад биеэр очих, захидал, имэйл, утсаар зөвөлгөө авах боломжтой
- Эрүүл мэндийн байгууллагын эмчилгээтэй холбох



## Хэвтэж эмчлүүлэх, амбулатороор эмчлүүлэх болон зөвөлгөө өгөх байгууллага



### ✓ Орон нутаг дахь эмчилгээ, хамгаалах байгууллага

### ✓ Донтолтыг хянах цогц тусламжийн төв



## Сурагчдад зориулсан мансууруулах бодисоос урьдчилан сэргийлэх сургалтын материал



### ✓ Сурагчдын эрүүл мэндийн мэдээллийн төв : <https://schoolhealth.kr>



## Мансууруулах бодистой холбоотой гэмт хэргийг мэдээллэх байгууллага

### ✓ Цагдаа: 112

### ✓ Прокурор: 1301

※ Зөвөлгөө, сургалт болон эмчилгээний байгууллагаас зөвөлгөө авахад хувийн бүх мэдээллийг чанд хамгаална.

※ Өөрөө төдийгүй гэр бүл, ойрын хүмүүсээрээ дамжуулан зөвөлгөө авч болно.